



NAROD I PRAVDA

Klub zastupnika

Skupština Kantona Sarajevo

25.Radna sjednica

Datum: 15.10.2025.g

Uputiti:

-Predsjedavajući Skupštine Kantona Sarajevo

-Vlada KS/Ministarstvo privrede

"Na osnovu Poslovnika Skupštine Kantona Sarajevo, upućujem inicijativu kojom tražimo da se Nacrt odluke o zaštiti izvorišta vode za piće „Sarajevsko polje“ što hitnije pripremi i uputi u proceduru prema Vladi Kantona Sarajevo, a zatim i prema Skupštini Kantona Sarajevo radi razmatranja i usvajanja."

Obrazloženje

Podsjećam da je Nacrt odluke o zaštiti izvorišta vode za piće „Sarajevsko polje“ povučen sa dnevnog reda od strane predlagača zbog tehničkih razloga.

Urađeni Elaborat o zaštiti izvorišta vode za piće „Sarajevsko polje“ predstavlja obiman, stručan i temeljni dokument, koji čini osnovu za izradu i donošenje predmetne odluke.

Ovom inicijativom tražimo da nadležno ministarstvo i Vlada Kantona Sarajevo izvrše analizu i utvrde sve relevantne činjenice iz Elaborata, kao temelja za pripremu konačne odluke, te da uz Nacrt odluke u skupštinskim materijalima dostave sve tehnički moguće dijelove Elaborata.

Elaborat, kao temeljni i „krovni“ dokument, sadrži ključne elemente zaštite voda, definisane zone zaštite, mjere i ograničenja, te predstavlja osnovni stručni okvir za donošenje odluke. Riječ je o dokumentu od strateškog značaja za vodosnabdijevanje Kantona Sarajevo, kao i za konačno rješavanje problematike vodozaštitne zone „Sarajevsko polje“.

Također, napominjem da je Općinsko vijeće Ilidža nedavno održalo još jednu tematsku sjednicu posvećenu problematici vodozaštitne zone „Sarajevsko polje“. Usvojenim zaključcima zatraženo je hitno stavljanje Nacrta odluke u proceduru, kako bi se dokument uputio u javnu raspravu i time otvorio prostor za konstruktivnu diskusiju, sugestije i prijedloge, s ciljem izrade što kvalitetnijeg prijedloga odluke.

S poštovanjem,

Elvis Vreto

Predsjednik kluba zastupnika

Narod i Pravda